



**Pauli Laymanni e Societate Iesu Jus Canonicum  
Commentario Perpetuo Explicatum**

Et Uberi Non Minus Ac Varia Qvam Clara Et Solida Doctrina Illustratum

Commentarius In Librum III. Decretalium


**Laymann, Paul**

**Dilingae, 1698**

Capitulum II. Quia.

---

[urn:nbn:de:hbz:466:1-62482](#)



## TITULUS XXVI.

### DE TESTAMENTIS , ET ULTIMIS VOLUNTATIBUS.

**P**ostquam de dispositionibus inter vivos dictum est, sequitur, ut de testamento, & alijs dispositionibus mortis causâ factis agatur, cuius rei causâ præmisstum fuit de peculio Clericorum; si enim illud profectitum sit, id est, bonorum, quæ ab Ecclesia, seu ex Ecclesiastico titulo, vel intuitu Ecclesiae proveniunt, beneficiarij testari, seu mortis causa de ijs disponere non possunt, ut infra apparebit, & habetur in auctoritate licentiam C. de Episcopis. Si vero peculium sit quasi castrense, videlicet bonorum, quæ in Clericatu ex quacunque alia causa, præterquam per Ecclesiam, uti explicatum fuit, acquisita sunt, de ijs liberè testari, ac disponere possunt, uti constat ex titulo præcedente, & L. Sacrosancta. 32. & ambient. Presbyteros. C. de Episcopis. Sed & de adventitijs bonis, id est, quæ ante Clericatum non à patre, aut intuitu patris (hæc enim profectitia dicuntur, & ad patrem reverti debent S. sanctum Inst. per quas personas &c.) nec intuitu militiae armatae, aut togatae (hæc enim Castrensis, vel quasi Castensia censentur) sed aliunde, v.g. ex maternitate aut cognatorum successione, vel donatione acquiruntur, liberè testari potest & disponere.

#### CAPITVLUM I.

##### Quorundam.

###### PARAPHRASIS.

Intellexit Gregorius I. quod Episcopus Attelanæ Ecclesiæ testamentum condidit

set, in quo nurum in octo uncij editatis instituit, Ecclesiam vero litteris alijs quatuor. Ideo scribit ad Antonium Subdiaconum, eumque hortatur, ut licet inquirat, unde ejus bona apparet, seu acquisita sint, nec nisi qualibet persona quidpiam descendente Episcopatum illud acquisivit osticerit. Quidquid autem cognovit Ecclesiae fuisse ante ejus consecrationem & quidquid in Episcopatu acquisivit, in ejusdem Ecclesie dominio ostenditur. Habetur lib. 7. regis in libro epistola 52.

###### SUMMARIUM.

Acquisita ab Episcopo, tituli Episcopatus, inter bona profectiva Ecclesie merantur.

**N**onandum. Quæcunque Episcopatus, vel intuitu Ecclesie sive acquisivit, ea Ecclesiae tanquam proprietatis bona reservata sunt, ut prouideat mortis causa disponere non possint. Conferit c. 2. causa 12. q. 5. & quæ dicitur c. 1. tit. præcedente.

#### CAPITULUM II.

##### Quia.

###### PARAPHRASIS.

Gabina SS. Gravini, & Luxorij monasterii Abbatissa retulit ad Gregorium IX. quod Syrica Abbatissa, quæ antecellit, condidit testamentum Xesodochio, & alijs quibusdam legata reliquistet. De hac causa

rescivisset Pontifex, intellexit, Syricam vestem Monachalem nunquam induisse, sed usque ad mortem in vestibus, quibus loci ejus presbyteræ (id est sacerdotum conversæ uxores) utebantur, permanisse; id Gabina dicebat, pœnè ex confutudine licuisse, quia etiam Abbatissa, quæ Syricam antecesserat, talibus vestibus uia fuerat. Causam istam Gregorius consiliarij suis, & alijs viris doctis in urbe examinandam dedit, qui responderunt, quia Syrica solemini more ab Episcopo Caralitano ordinata fuit Abbatissa, atque in monasterij regimine per annos multos, usque ad vitæ finem stetit, quod vestis qualitas Episcopi culpe imputari, non autem præjudicium monasterio, in quod ingressa, & Abbatissa constituta fuit, afferre debeat; cum itaque Xenodochium rerum illicitè legaturum possessionem retinere non debeat, hortatur proinde Papa Episcopum Caralitanum, in cuius civitate monasterium, & xenodochium sita erant, ut si ita res se habeat, quod possessiones, non ex contractu, sed per modum legati, seu ultimæ voluntatis, ad xenodochium translatae sint, eas monasterio restituiri, & alia omnia, quæ prætextu testamenti conditi detinentur (quippe quod secundum legalem sanctionem irritum est) ad ius monasterij reduci omnime cureret. Habetur lib. 7. indictione secundâ epistola 7.

#### SUMMARIUM.

1. *Habitus non facit Monachum, aut Monacham.*
2. *Religionem professi non possunt testamentum facere, aut mortis causa disponere.*

**N**otandum primum. Habitus non facit Monachum, aut Monacham, sed professo regularis. Ita hic & in c. porrectum 13. de regularibus. Sufficit etiam ad statum Religionis acquirendum professio tacita,

seu, quæ facto fit, c. vidua 4, juncta Gl. eadem tit. & sumitur ex hoc c. quando ex eo solum, quia Syrica in Abbatissam se ordinari pasta est, & per multos annos Prælationem gessit, professâ censetur. Verum jure novo c. nullus 28. de electione in 6. nullus Religiosus ad Abbatiam, seu Prælaturam eligi potest, nisi Ordinem eum fuerit exprefse professus, quod etiam decernitur in Trident. sess. 25. c. II. de regularibus. Vide in disp. de Pralatis questionem 183. Covar. hic. n. 2.

Notandum secundum, Religionem professi non possunt testamentum condere, aut mortis causâ quidpiam disponere. Ita hic & in Authent. ingressi C. de SS. Ecclesijs, quia ob paupertatis votum proprium aliquid, seu rerum dominium nullum habent, cit. authent. & c. non dicatis II. causa 12. q. I.

#### CAPITULUM III.

##### Nos quidem.

###### PARAPHRASIS.

Intellexit Gregorius IX. quod Stephanus, antequam moreretur, condito testamento, monasterium fundari jussit, cuius ultimæ voluntatis executionem, cum Theodosia heres differret, capropter Papa hortatur Caralitanum Episcopum, ut fæminam moneat, ad monasterium intra anni spatum inchoandum, & omnia juxta defuncti voluntatem sine tergiversatione execuenda. Quod si vero intrâ hoc tempus, vel in loco, in quo jussit testator, vel si non possit ibi, in alio loco, ubi visum fuerit, cum Episcopo monasterium ordinare intermitat, tum Episcopus ædificet, & omnia loco illi sine diminutione assignari cureret, quia secundum piissimas Leges tali modo decet Episcopum dilatampiarum ultimarum voluntatum executio nem supplere.

R. 2

Sum.